



Broj: 12/01-04- 51520-10/22
Sarajevo, 28.12.2022. godine

**VLADA KANTONA
SARAJEVO**

SKUPŠTINA KANTONA

**n/r Šabaredžović-Klačar Mersiha
Sekretar Vlade**

PREDSJEDAVALJUĆI SKUPŠTINE

(Ovdje)

(Ovdje)

Zastupnik u Skupštini Kantona Sarajevo, Irfan Čengić na Prvoj Radnoj sjednici Skupštine Kantona Sarajevo, održanoj dana 28.12.2022. godine, u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa čl. 211. i 214. Poslovnika Skupštine Kantona Sarajevo (“Službene novine Kantona Sarajevo, Drugi prečišćeni tekst – broj 41/12, 15/13, 47/13, 47/15, 48/16, 9/20, 14/20, 16/22, i 17/22-ispravka) postavio je zastupničko pitanje za Ministarstvo kulture i sporta, i to:

“Strategijom razvoja Kantona Sarajevo 2021. - 2027. kao problem je definisano nedovoljna razvijenost sistema upravljanja sportom, a kao prioritet u rješavanju tog problema definisan razvoj infrastrukture u funkciji sporta.

U vezi sa implementacijom Strategije razvoja Kantona Sarajevo 2021.-2027. u ovoj oblasti zanima me koliko je sredstava planirano u 2023. godini za ulaganje u stadione Grbavica i Asim Ferhatović Hase jer su to dva najvažnija infrastrukturna objekta u oblasti sporta, također koliko je sredstava planirano u Dokumentu okvirnog budžeta za period 2023.-2025.? Da li postoji projekat izgradnje nacionalnog stadiona za reprezentaciju rekonstrukcijom stadiona Asim Ferhatović Hase?”

Prilog: Zastupničko pitanje zastupnika Irfana Čengića.

Odgovor na zastupničko pitanje:

Poštovani,

I – Realizacija kapitalnih projekata na stadionima koje pominjete nije moguća bez pitanja vlasnika. Stadion Grbavica je vlasništvo FK Željezničar, a Stadion Asim Ferhatović Hase je vlasništvo Općine Centar Sarajevo. Kako smo upoznati iz medija Općina Centar ga je dodjelila u zakup FK Sarajevo.

Samo se vlasnik može obratiti za sredstva Kantona Sarajevo sa izvedbenim projektom i predmjerom radova i kompletiranom zemljišnoknjižnom dokumentacijom. Ministarstvo svake godine, nakon usvajanja budžeta, odnosno kada budu poznata raspoloživa sredstva za tu namjenu iz kreditnog zaduženja Kantona) objavi direktni javni poziv Gradu i općinama za sufinansiranje kapitalnih projekata (iz oblasti kulture i sporta) na njihovom području.

II - Sredstva planirana Budžetom Kantona Sarajevo na godišnjem nivou na poziciji kapitalna sredstva su nedovoljna za ova dva (velika) kapitalna projekta, tako da bi se morala donijeti odluka Skupštine Kantona Sarajevo i planirati sredstva u Budžetu Kantona Sarajevo.

III - U Dokumentu okvirnog Budžeta za trogodišnji period 2023.-2025., koji je usvojila Vlada Kantona Sarajevo donešeni su gornji limiti Budžeta Ministarstava Kantona Sarajevo za 2023., 2024. i 2025. godinu.

Budžet Ministarstva kulture i sporta za 2022. godinu koji je po svim izvorima finansiranja (budžetska i kreditna sredstva) iznosio 13.389.211,00 KM, dok su DOB-om limitirani iznosi po godinama sljedeći:

2023.

- gornji limit Budžeta Ministarstva kulture i sporta za sve izvore finansiranja.....8.204.111,00 KM

2024.

- gornji limit Budžeta Ministarstva kulture i sporta za sve izvore finansiranja.....8.204.111,00 KM

2025.

- gornji limit Budžeta Ministarstva kulture i sporta za sve izvore finansiranja.....10.204.111,00 KM

S obzirom na drastično umanjeње iznosa Budžeta za naredne godine, Ministarstvo kulture i sporta teško može održati postojeći sistem finansiranja kulture i sporta, a ne planirati veće kapitalne projekte.

IV - Projekat izgradnje nacionalnog stadiona treba da naruče i pripreme ovlašteni organi i tijela na nivou Bosne i Hercegovine, (npr. Vijeće ministara Bosne i Hercegovine - Ministarstvo civilnih poslova Bosne i Hercegovine - Nogometni savez Bosne i Hercegovine i Olimpijski komitet Bosne i Hercegovine) uz prethodnu saglasnost vlasnika stadiona Asim Ferhatović Hase – Općine Centar Sarajevo.

Zbog visoke vrijednosti toga projekta, vjerovatno će za potrebe njegove izrade i izgradnje trebati raspisati međunarodni tender.

To nije prvenstveni zadatak Kantona Sarajevo, ali smo spremni participirati u tom projektu kada bude osmišljen, i ako u vezi toga bude donesena odgovarajuća odluka Skupštine Kantona Sarajevo.

Koordinator izrade odgovora
na skupštinska pitanja i inicijative
Dragan Vujmilović



Dostavljeno:

1. Naslov (1. i 2)
2. irfan.cengic@ks.gov.ba
3. a/a